

卷之四

花草粹編叙



夫填詞者古樂府流也自昔選
次者衆矣唐則有花間集宋則
草堂詩餘詩盛於唐而衰於晚
葉至夫詞調獨妙絕無倫然世
之草堂盛行而花間不顯故知

宣情易感含思難諧者矣余自
牽拙多暇嘗欲銓粹二集以備
一代典章顧以紀緝天中因循
有未果者嗣以飄泊東南納交
素友淮陰吳生承恩始獲吳生
岫皆耽樂執文藏書甚富余每

得之假閱輒隨筆位序之久之
遂成六卷移疾歸未游息竹素
綜綴正業之餘因汲益以諸人
之本集各家之選本記錄之所
附載翰墨之所遺留上溯開天
下訖宋末曲調不載於舊刻者

元詞間亦與焉其義例以世次
為后先以短長為小大為卷一
十有二計詞卷千二百八十餘
首麗則兼收不無有乖於大雅
文房取玩畧闕前輩之典刑邑
侯太初謂天中百卷未便刻成

此帙無多宜先付梓余重違其
意漢獵剪耘殆逾二紀歛帚亦
不忍遂棄者所愧顧曲遠謝於
周郎酸臍或爽於衆口貽之詞
垣庶期寄於取材云兮刻也繇
花間草堂而起故以花草命篇

書

萬曆癸未冬日之吉



樂府指迷

沈義父伯時



余自幼好吟詩壬寅秋始識靜翁於澤濱癸卯識夢
窓暇日相與倡酬率多填詞因講論作詞之法然後
知詞之作難於詩蓋音律欲其協不協則成長短之
詩下字欲其雅不雅則近乎纏令之體用字不可太
露露則直突而無深長之味發意不可太高高則狂
怪而失柔婉之意思此則知所以為難子姪輩往往
求其法於余姑以得之所牽條列下方觀於此則思
過半矣

凡作詞當以清真爲主蓋清真最爲知音且無一點市井氣下字運意皆有法度往往自唐宋諸賢詩句中來而不用經史中生硬字面此所以爲冠絕也學者看詞當以周詞集解爲冠

康伯可柳耆卿音律甚協句法亦多有好處然未免有鄙俗語

姜白石清勁知音亦未免有生硬處

夢窓深得清真之妙其失在用事下語太晦處人不可曉

施梅川音律有源流故其聲無舛誤讀唐詩多故語

雅澹間有些俗氣蓋亦漸染教坊之習故也亦有起句不緊切處

孫花翁有好詞亦善運意但雅正中忽有一兩句市井句可惜

大抵起句便見所詠之意不可汎入閑事方入主意詠物尤不可汎

過處多是自叙若才高者方能發起別意然不可太野走了元意

結句須要放開合有餘不盡之意以景結情最好如清真之斷腸院落一簾風絮又掩重閨徧城鐘鼓之

類是也或以情結尾亦好徃徃輕而露如清真之天
便教人霎時厮見何妨又云夢魂凝想死侶之類便
無意思亦是詞家病却不可學也

如詠物須時時提調覺不分曉須用一兩件事印證
方可如清真詠梨花水龍吟第三第四句須用樊川
靈闕事又深閉門及一枝帶雨事覺後段太寬又用
王容事方表得梨花若全篇只說花之白則是凡白
花皆可用如何見得是梨花

要求字面當看温飛卿李長吉李商隱及唐人諸家
詩句中字面好而不俗探摘用之如花間集小

詞亦多好句

鍊句下語最是緊要如說桃不可直說破桃須用紅
雨劉郎等字如詠柳不可直說破柳須用草臺灞岸
等事又用事如曰銀鈎空滿便是書字了不必便說
書字玉筋雙垂便是淚了不必更說淚如綠雲繚繞
隱然髻髮困便湘竹分明是簾正不必分曉如教初
學小兒說破這是甚物事方見妙處徃徃淺學俗流
多不曉此妙用指為不分曉乃欲直接說破却是賺
人與耍曲矣如說情不可太露

遇兩句可作對便須對短句須剪裁齊整遇長句須

放婉曲不可生硬

押韻不必盡有出處但不可杜撰若只用出處押韻却恐窒塞

腔律豈必人人皆能按簫填譜但看句中用去聲字最爲緊要然後更將古知音人曲一腔三兩隻參訂如都用去聲亦必用去聲其次如平聲却用得入聲字替上聲字最不可用去聲字替不可以上去入盡道是側聲使用得更須調停參訂用之古曲亦有拗者蓋被句法中字面所拘牽今歌者亦以爲礙如尾犯之用金玉珠玑博金字當用去聲字如絳園春之

用遊人月下歸來遊人合用去聲字之類是也

前輩好詞甚多往往不協律腔所以無人唱如秦樓楚館所歌之詞多是教坊樂工及鬧井做賺人所作只緣音律不差故多唱之求其下語用字全不可讀甚至詠月却說雨詠春却說涼如花心動一詞人目之爲一年景又一詞之中顛倒重複如曲遊春云賒薄難藏淚過云哭得渾無氣力結又云滿袖啼紅如此甚多乃大病也

作詞與詩不同縱是用花卉之類亦須畧用情意或要入閨房之意然多流淫艷之語當自斟酌如只直

詠花卉而不著此艷語又不似詞家體例所以爲難
又有直爲情賦曲者尤宜宛轉回互可也如恁字恁
字柰字這字你字之類雖是詞家語亦不可多用亦
宜斟酌不得已而用之

腔子多有句上合用虛字如嗟字柰字况字更字又
字料字想字正字甚字用之不妨如一詞中兩三次
用之便不好謂之空頭字不若徑用一靜字頂上道
下來句法又健然不可多用

近時詞人多不詳看古曲下句命意處但隨俗念過
便了如柳詞木蘭花云折桐花爛熳此正是第一句

不用空頭字在上故用拆字言開了桐花爛熳也有
人不曉此意乃云此花名爲拆桐於詞中云開到拆
桐花開了又拆此何意也

近世作詞者不曉音律乃故爲豪放不羈之語遂借
東坡稼軒諸賢自諉諸賢之詞固豪放矣不放處未
嘗不叶律也如東坡之哨遍楊花水龍吟稼軒之摸
魚兒之類則知諸賢非不能也

壽曲最難作切宜戒壽酒壽香老人星千春百歲之
類須打破舊曲規模只形容當人事業才能隱然有
祝頌之意方好

詞中用事使人姓名須委曲得不用出最好清真詞多要兩人名對使亦不可學他如宴清都云庾信愁多江淹恨極西平樂云東陵晦迹彭澤歸來大酺云蘭成憔悴衛玠清羸過秦樓云才減江淹情傷荀倩之類是也

古曲譜多有異同至一腔有兩三字多少者或句法長短不等者蓋被教師改換亦有嘌唱一家多添了字吾輩只當以古雅爲主如有嘌唱之腔不必作且必以清真及諸家目前好腔爲先可也

詞中多有句中韻人多不曉不惟讀之可聽而歌時最要叶韻應拍不可以爲閒字而不押如木蘭花云傾城盡尋勝去城字是韻又如滿庭芳過處年年如社燕年字是韻不可不察也其他皆可類曉又如西江月起頭押平聲韻第二第四就平聲切去押側聲韻如平聲押東字側聲須押董字凍字韻方可有人隨意押入他韻尤可笑

詞腔謂之均均即韻也

作大詞先須立間架將事與意分定了第一要起得好中間只鋪叙過處要清新最緊是末句須是有一好出場方妙作小詞只要此新意不可太高遠却易

得古人句同亦要鍊句

初賦詞且先將熟腔易唱者填了却逐一點勘替去
生硬及平側不順之字久久自熟便覺拗者少全在
推敲吟嚼之功也

詠物詞最忌說出題字如清真梨花及柳何曾說出
一箇梨柳字梅川不免犯此戒如月上海棠詠月出
兩箇月字便覺淺露他如周草窓諸人多有此病宜
戒之

樂府指迷終

花草粹編一卷目錄

小令

蒼梧謠 三

十六字令

閑中好 三

醉公子

一片子

望夫歌 即羅噴曲六

明月斜

南歌子 二

醉粧詞

南歌子 五

荷葉盃 七

井露歌 三

北却月

三臺令 一名翠華引二

開元樂 四

晴偏好

摘得新 二

雙燕兒 二

十愛詞

春曉曲 一名西樓月二

搗練子 即桂殿

漁父 八

夢江南 一名望仙謝秋娘四

夢遊仙 江南憶江南

採蓮子

章臺柳 二

揚柳枝 三十

添聲楊柳枝 三

竹枝 二

八拍蠻 二

小秦王

字字雙

南鄉子 六

井州曲

塞上秋 三

喜春來

江南春

法駕導引 三

九張機 二

憶王孫

一名憶君王 王孫 豆兼黃獨脚令 十三

蕃女怨 二

後庭花破子

如夢令

一名宴桃源 古 記憶仙安 二十

梧葉兒

調笑

一名轉應 三 墓令 七

遐方怨 二

訴衷情 四

西溪子 三

井州子 三

天仙子 七

風流子 三

歸國謠 三

江城子 四

定西蕃 四

望江怨

思帝鄉 三

長相思 二十

誤桃源

河滿子 三

風光好 二

相見歡

上西樓 秋夜月 烏夜啼 憶真妃 西樓子 十一

望梅花 二

醉太平

四字令

調笑 二十

搗練子 二

薄命女

長命 女 二

楊柳枝 四

感恩多 二

醉公子 四

生查子 三十

太平時

賀聖朝 影 四

蝴蝶兒

昭君怨

洛妃 怨 十

拋毬樂

莫思 歸 七

點絳脣

五 十 四

醉花間 二

王蝴蝶 二

女冠子 八

上行杯 三

花草粹編一卷目錄終

花草粹編卷之一

朗陵外方陳耀文晦伯甫纂

小令

蒼梧謠

餞劉恭父

張安國

歸十萬人家兒樣啼公歸去何日是來時

又

歸獵獵薰風颭繡旗攔教住重舉送行盃

又

歸數得宣麻拜相時秋前後公袞更萊衣

十六字令

窓月

周晴川 大機餘錦

眼月影穿窓白玉錢無人弄移過枕函邊

閑中好

鄭夢復

閑中好盡日松為侶此趣人不知輕風度僧扉

二

段成式

閑中好塵務不縈心坐對前窓木看移三面陰

三

張善繼

閑中好出磬度鐘遲卷上論題肇畫中僧姓支

醉公子

樂府詩集

昨日春園飲今朝倒接羅誰人扶上馬不省下樓時

一片子

柳色青山映梨花雪鳥藏綠窓桃李下閑坐歎春芳

望夫歌 即羅賁曲

劉採春 雲溪友議

不喜秦淮水生憎江上船載兒夫壻去經歲又經年

二

借問東園柳枯來得幾年自無枝葉分莫怨太陽偏

三

莫作商人婦金釵當卜錢朝朝江口望錯認幾人船

四

那年離別日。只道往桐廬。桐廬人不見。今得廣州書。

五

昨日勝今日。今年老去年。黃河清有日。白髮黑無緣。

六

昨夜北風寒。牽船浦裏安。潮來打纜斷。搖櫓始知難。

明月斜景德寺僧房

呂洞賓詩話總龜

明月斜。秋風冷。今夜故人來不來。教人立盡梧桐影。

南歌子

裴識雲溪友議

不是厨中串。爭知炙裏心。井邊銀釧落。展轉恨還深。

一

不信長相憶。搗頭問取天。風吹荷葉動。無夜不搖蓮。

三

斡端為紅燭。情知不自由。細絲斜結網。爭奈眼相鉤。

醉粧詞

蜀王衍

者邊走那邊走。只是尋花柳。那邊走者邊走。莫厭金

杯酒。北夢瑣言云蜀後主累小巾其尖如錐宮妓多衣道服替蓮花冠施胭脂夾臉號醉粧作此詞

南歌子

温廷筠

鬢墮低梳髻。連娟細掃眉。終日兩相思。為君憔悴盡

百花時

轉眄如波眼。娉婷似柳腰。花裏暗相招。憶君腸欲斷。恨春宵。

三

懶拂鴛鴦枕。休縫翡翠裙。羅帳罷鑪爇。近來心更切。爲思君。

張泌

柳色遮樓牖。桐花落砌香。畫堂開處遠。風涼高捲水。精簾額襯斜陽。

二

岸柳拖煙綠。庭花照日紅。數聲蜀魄入簾櫳。驚斷碧窓殘夢。盡屏空。

荷葉盃

溫飛卿

鏡水夜來秋月如雪採蓮時。小娘紅粉對寒浪。惆悵正思惟。

二

楚女欲歸南浦。朝雨濕愁紅。小船搖漾入花裏。波起隔西風。

顧曼

春盡小庭花落寂寞凭檻歛雙眉忍教成病憶佳期
知摩知知摩知

二

記得那時相見膽顫鬢亂四肢柔泥人無語不擡頭
羞摩羞羞摩羞

三

夜久歌聲怨咽殘月菊冷露微微看看濕透縷金衣
歸摩歸歸摩歸

四

金帛香濃鴛被枕膩小髻簇花鈿腰如細柳臉如蓮

憐摩憐憐摩憐

五

一去又乖期信春盡滿院長莓苔手拈裙帶獨徘徊
來摩來來摩來

井露歌 古祝英堂

集句

王介甫

折得一枝香在手人間應未有疑是經春雪未消今
日是何朝

二

盡日含毫難比興都無色可並萬里晴天何處來真

是屑瓊瑰

三

天寒日暮山谷裏的藥愁成水地上漸多枝上稀唯
有故人知

北印月

妙香洞微志

勸君酒莫辭花落拋舊枝只有北印山下月清光到

死也相隨鄭維超遇田參軍贈妓曰妙香數年告別
歌此詞送酒翌日同至北印下化狐而去

三臺令一名翠
華引

王建

池北池南草綠殿前殿後花紅天子千秋萬歲未央

明月清風

二

魚藻池邊射鴨芙蓉苑裏看花日色赭黃相似不着

紅鷺扇遮

開元樂

沈存中侯錄

鳩鵲樓頭日暖蓬萊殿裏花香草綠烟迷步輦天高

日遞龍床

二

按舞驪山影裡回鸞渭水光中玉笛一天明月翠華

滿陌東風

樓上正臨宮外人間不見仙家寒食輕烟薄霧滿城
明月梨花

四

殿後春旗簇伏樓前御隊穿花一片紅雲鬧處外人
遙認官家

括元豐中為翰林學士
有詞四首裕陵賞愛之

情偏好

李霜涯

平湖千頃生芳草芙蓉不照紅顛倒東坡道波光潏
灑晴偏好

西湖雖有山泉而大旱亦嘗龜坼嘉熙庚子水涸
茂草生焉祈雨無應李戲作此選者庶捕之不得

摘得新

皇甫松

酌一卮須教玉笛吹錦筵紅燭燭莫來遲繁紅一夜
經風雨是空枝

二

摘得新枝枝葉葉春管絃燕美酒最關人平生都得
幾十度展香茵

雙鴈兒

楊補之

窮陰急景暗推遷減綠鬢換朱顏利名牽役幾時閑
又還驚一歲圓

勸君今夕不須眠且滿滿泛觥船大家沉醉對芳筵
願新年勝舊年

三

休驚明日歲華新且喜得又逢春北堂歌舞奉慈親
願遐齡等大椿

十愛詞

鄭子聃

我愛沂陽好民淳訟自稀誰言珥筆混萊夷行見離
離秋草鞠園扉

齊乘云齊州俗有登萊沂密腦後挿筆之語
金木子聃知沂州民淳訟簡故作此詞六

春曉曲

朱希真

西樓落月鷄聲急夜浸踈香浙瀝主人酒渴嚼春冰
曉色入簾橫寶瑟

西樓月 即春曉曲

張仲宗

瑤軒倚檻春風度柳垂煙花帶露半閑鴛被怯餘寒
燕子時來窺繡戶

搗練子

聞砧

李後主

深院靜小庭空斷續寒砧斷續風無奈夜長人不寐
數聲和月到簾櫳 蘭曉曲

春恨

雲鬢亂晚粧殘帶恨眉光遠岫攢斜托香腮春筍懶
為誰和淚倚欄杆

秦少游

耿耿淚雙雙皎月清風冷透窓人去秋來宮漏永
夜深無語對銀缸

桂殿秋

向伯恭

秋色裡月明中紅旌翠節下蓮宮蟠桃已結瑤池露
桂子初開玉殿風

漁父

張志和

西塞山前白鷺飛桃花流水鱖魚肥青箬笠綠蓑衣
斜風細雨不須歸

三

釣臺漁父褐為裘兩兩三三舴艋舟能縱櫂慣乘流
長江白浪不曾憂

三

雪溪灣裏釣魚翁舴艋為家西復東江上雪浦邊風
笑着荷衣不歎窮

四

松江蟹合主人歡菰餠蓴羹亦共食楓葉落荻花乾

醉宿漁舟不覺寒

五

青草湖中月正圓
巴陵漁父櫂歌連
釣車子掘頭船
樂在風波不用僊

新唐書云志和字子同始名龜齡十六擢明經肅宗特見賞重因賜名後坐事貶南浦尉不復仕居江湖自稱烟波釣徒著玄真子亦以自號每垂釣不設餌志不在魚也嘗撰漁歌憲宗圖真求其歌不能致

西吳記云湖州磁湖鎮道士磯即張志和所謂西塞山前也志和有漁父詞刺史顏真卿與陸鴻漸徐士衡李成矩共唱和二首適相唱和
李德裕玄真子漁歌記云德裕頃在內庭伏觀憲宗皇帝寫真訪求玄真子漁歌嘆不能致余世與

玄真子有舊早聞其名又感明主賞異愛才見思如此每夢想遺跡今乃獲之如遇良寶於乎漁父賢而名隱鳴夷智而功高未若玄真隱而名彰顯而無事其嚴光之比與處二子之間誠有裕矣

張松齡

樂在風波釣是閒
草堂松桂已堪攀
太湖水洞庭山

狂風浪起且須還

松陵玄真子之兄也懼其放浪不返和其詞以招之

李珣

避世垂綸不記年
官高爭得似君閑
傾白酒對青山
笑指柴門帶月還

和疑

白芷汀寒立鷺鷥
蘋風輕剪浪花時
烟幕幕日遲遲

香引芙蓉惹釣絲

又

李後主

金索書

題供奉衛賢春江釣叟圖

二首

閨苑有情千里雪桃李無言一隊春一壺酒一竿身快活如儂有幾人

二

一棹春風一葉舟一綸繭縷一輕鈎花滿渚酒滿甌

萬頃波中得自由

見五代畫品補遺

高宗

唐溪詩話

水涵微雨湛虛明小笠輕蓑未要晴明鑑裡縠紋生

白鷺飛來空外聲

管仲姬

人生貴極是王侯浮利浮名不自由爭得似一扁舟

弄月吟風歸去休

夢江南

即望江南一名憶江南夢遊仙謝秋娘

白樂天

江南好風景舊曾諳日出江花紅勝火春來江水綠

如藍能不憶江南

劉禹錫

春去也多謝洛城人弱柳從風疑舉袂叢蘭裛露似霑巾獨笑亦含嚬

梳洗罷獨倚望江樓過盡千帆皆不是斜暉脉脉水悠悠腸斷白蘋洲

温飛卿

千萬恨恨極在天涯山月不知心裏事水風空落眼前花搖曳碧雲斜

採蓮子

皇甫松

菡萏香連十頃陂舉棹小姑貪戲採蓮遲少年晚來弄水船頭濕舉棹更脫紅裙裏鴨兒少年

二

船動湖光滟滟秋舉棹貪看年少信船流少年無端隔水

拋蓮子舉棹遙被人知半日羞少年

章臺柳寄柳氏

韓翃

章臺柳章臺柳往日依依今在否縱使長條似舊垂亦應攀折他人手

答韓貞外

柳氏

楊柳枝芳菲節可恨年年贈離別一葉隨風忽報秋縱使君來豈堪折

楊柳枝

白居易

一樹春風萬萬枝嫩於金色軟於絲永豐西角荒園

裏盡日無人屬阿誰

唐無名氏

萬里長江一帶開岸邊楊柳幾千栽錦帆未落西風起惆悵龍舟去不迴

崔道融

霧撚煙搓一索春年年長似染來新應須喚作風流線繫得東西南北人

顧雲續本事詩

灞岸晴來送別頻相偎相倚不勝春自家飛絮猶無定爭把長條絆得人

李涉鑿戒錄

錦池江上柳垂橋風引蟬聲送寂寥不必如絲千萬縷只禁離恨兩三條

滕邁

三條陌上拂金羈萬里橋邊映酒旗此日令人腸欲斷不堪將入笛中吹

溫廷筠

宜春苑外最長條閑裏春風伴舞腰正是玉人腸斷處一渠春水赤欄橋

南內墻東御路傍，須知春色柳絲黃。杏花未肯無情
思，何事行人最斷腸。

三

館娃宮外鄴城西，遠映征帆近拂堤。繫得王孫歸意
切，不同芳草綠萋萋。

牛嶠

解凍風來凍未消，青釭垂羅袖拜卿。卿無端裏娜臨官
路，舞送行人過一生。

二

吳王宮裏色偏深，一簇纖條萬縷金。不憤錢塘蘇小

小引郎松下結同心

三

裊翠籠烟拂暖波，舞裙新染麴塵羅。章華臺畔隋堤
上，傍得春風爾許多。

歐陽炯

軟碧搖煙似送人，映花時把翠蛾嚙。青青自是風流
主，慢颺金絲待洛神。

添聲楊柳枝

裴識

思量大是惡因緣，只得相看不得憐。願作琵琶槽那
畔，美人長抱在胸前。

一尺深紅蒙麴塵舊物天生如此新合歡桃核終堪恨裏許元來別有人

温岐

又

井底點燈深燭伊共郎長行莫圍碁玲瓏骰子安紅豆入骨相思知不知

竹枝

孫光憲

亂繩千結絆人深越羅萬丈表長尋楊柳在身垂意緒藕花落盡見蓮心

張妙淨

憶把明珠買妾時妾起梳頭郎盡眉郎今何處妾在怕見花間蝴蝶飛

張字忠遠曹妙清字比玉俱晚音律與楊庶夫為文字友

八拍蠻

閩選

愁鎖黛眉烟易慘淚飄紅臉粉難勻憔悴不知緣底事遇人推道不宜春

二

雲鎖嫩黃煙柳細風吹紅蒂雪梅殘光影不勝閨閣恨行行坐坐黛眉攢

小秦王

蘇東坡

濟南春好雪初晴行到龍山馬足輕使君莫忘雪溪

女時作陽關腸斷聲

君溪漁隱云唐初歌詞多是五言或七言詩初無長短句自中葉至五代漸變成長短句及宋朝則盡為此体今所存者止瑞鷓鴣小秦王二闕是七言八句詩并七言絕句詩而已瑞鷓鴣尤依字易歌若小秦王必須雜以虛聲乃可歌耳

字字雙

王麗真女

床頭錦衾斑復斑架上朱衣殷復殷空庭明月閒復閒夜長路遠山復山

南鄉子

歐陽炯

嫩草如煙石榴花發海南天日暮江亭春影綠鴛鴦浴水遠山長看不足

二

洞口誰家木蘭船繫木蘭花紅袖女郎相引去遊南浦笑倚春風相對語

三

二八花鈿眉前如雪臉如蓮耳墜金環穿瑟瑟霞衣窄笑倚江頭招遠客

李詢

煙漠漠雨淒淒岸花零落鷓鴣啼遠客扁舟臨野渡思鄉處潮退水平春色暮

二

傾淶蟻泛紅螺閑邀女伴簇笙歌避暑信船輕浪裏
閑遊戲夾岸荔枝紅蘸水

三

雲帶雨浪迎風釣翁迴棹碧灣中春酒香熟鱸魚美
誰同醉纜却扁舟蓬底睡

井州曲

蜀王衍

老學叢談

畫羅裙能結束稱腰身柳眉桃臉不勝春薄媚足精
神可惜許淪落在風塵

塞上秋

老學叢談

瘦藤老樹昏鴉遠山流水人家西風瘦馬斜陽下斷

腸人去西風古道天涯

二

平沙細草班班曲溪流水潺潺塞上清秋早寒一聲
新鴈黃雲紅葉青山

三

西風塞上胡笳月明馬上琵琶那底昭君恨多李陵
臺下淡烟衰草黃沙

喜春來

除夜玉
山舟中

張伯雨

江梅的的依茅舍石瀨濺濺漱玉沙瓦甌蓬底送年
華問暮鴉何處阿戎家

江南春

寇萊公

温公詩話

波渺渺柳依依孤村芳草遠斜日杏花飛江南春盡
離腸斷蘋滿汀洲人未歸

法駕道引

王壺清話作望江南

陳去非

朝元路朝元路同駕王華君千乘載花紅一色人間
遙指是祥雲回望海光新

二

東風起東風起海上百花搖十八風鬟雲半動飛花
和雨著輕綃歸路碧迢迢

三

簾漠漠簾漠漠天澹一簾秋自洗玉舟斟白醴月華
微映是空舟歌罷海西流

六么令

呂洞賓

東與西眼與眉偃月爐中運坎離靈砂且上飛最幽
微是天機你休癡你不知

九張機

樂府雜詞

醉留客者樂府之舊曲九張機者才士之新調憑
憂王之清歌寫擲梭之春怨章章寄意向句言情
恭對華筵敢陳口號
一擲梭心一縷絲連連織就九張機從來巧思知多

少苦恨風流夕不歸

一張機擲梭光景去如飛
蘭房夜永愁無寐
嘔嘔軋軋織成春恨
留着待卽歸

兩張機月明人靜漏聲稀
千絲萬縷相縈繫
織成一
段迴紋錦字
將去寄呈伊

三張機中心有朶要花兒嬌
紅嫩綠春明媚
君須早折一枝濃艷
莫待過芳菲

四張機鴛鴦織就欲雙飛
可憐未老頭先白
春波碧草晚寒深處
相對浴紅衣

五張機芳心密與巧心期
合歡樹上連理枝
雙頭花

下兩同心處一對化生兒

六張機彫花鋪錦半離披
蘭房別有留春計
爐添小

篆日長一線相對繡工遲

七張機春蚕吐盡一生絲
莫教容易裁羅綺
無端剪破仙鴛彩鳳
分作兩般衣

八張機纖纖玉手住無時
蜀江濯盡春波媚
香遺囊麝花房繡被
歸去意遲遲

九張機一心長在百花枝
百花共作紅堆被
却將春色藏頭裏
面不怕睡多時

輕絲象牀玉手出新奇
千花萬草光疑碧
裁縫衣著

春草和絲
卷一
春天歌舞飛蝶語黃鸝

春衣素絲染就已堪悲塵昏汗汗無顏色應同秋扇
從茲永弃無復奉君時

歌聲飛落盡梁塵舞罷香風卷繡茵更欲綉陳機上
恨尊前恐有斷腸人歛袂而歸相將好去

又

一張機採桑陌上試春衣風晴日煖慵無力桃花枝
上啼鶯言語不肯放人歸

兩張機行人立馬意遲遲深心未忍輕分付回頭一
笑花間歸去只恐被花知

三張機吳蚕已老燕雛飛東風宴罷長洲苑輕綃催
趁館娃宮女要換舞時衣

四張機呶啞聲裏暗顰眉回梭織朵垂蓮子盤花易
綰愁心難整脉脉亂如絲

五張機橫紋織就沈郎詩中心一句無人會不言愁
恨不言憔悴只恁寄相思

六張機行行都是耍花兒花間更有雙蝴蝶停梭一
餉閑窓影裏獨自看多時

七張機鴛鴦織就又遲疑只恐被人輕裁剪分飛兩
處一場離恨何計再相隨

八張機回紋知是阿誰詩織成一片淒涼意行行讀
遍耿耿無語不忍更尋思

九張機雙花雙葉又雙枝薄情自古多離別從頭到
底將心縈繫穿過一條絲

憶王孫一名怨王孫 憶君上

謝克家

依依宮柳拂宮牆樓殿無人春晝長燕子歸來依舊
忙憶君王月破黃昏人斷腸

避戎夜話云淵聖幸虜營不返謝元及作此詞單
璞云語意悲涼讀之使人墮淚真爱君憂國之語

春

李重元

萋萋芳草憶王孫柳外高樓空斷魂杜宇聲聲不忍

聞欲黃昏雨打梨花深閉門

夏

風蒲獵獵小池塘過雨荷花滿院香沉李浮瓜冰雪
涼竹方牀針線慵拈午夢長

秋

颼颼風冷荻花秋明月斜侵獨倚樓十二珠簾不上
鈎黯凝眸一點漁燈古渡頭

冬

同雲風掃雪初晴天外孤鴻三兩聲獨擁寒衾不忍
聽月籠明窓外梅花瘦影橫

晚妝新試碧衫涼。金鴨猶殘昨夜香。柳際風來月滿
廊。一雙雙。人對鴛鴦浴小塘。

呂聖求

二

林花着雨褪胭脂。葉底雙桃結子遲。對鏡憑郎畧皺
眉。笑微微。燕子羞人心嬾歸。

豆葉黃

欄干萬里心

張宗瑞

小樓柳色未春深。湘月牽情入苦吟。翠袖風前冷不
禁。怕登臨。幾曲欄干萬里心。

二

清明小院杏花開。半啓朱扉燕子來。曉起梳頭對玉
臺。照香腮。羞覩鶯鶯瘦影回。集作盡

陳子高

粉牆丹柱柳絲中。簾箔輕明花影重。午醉醒來一面
風。綠忽忽。幾顆櫻桃葉底紅。

莫少虛

春風樓上柳腰肢。初試花前金縷衣。娟娟娉娉不自
持。曉粧遲。畫得娥眉勝舊時。

程正伯

蕭蕭梅雨斷人行。門掩殘春綠蔭生。翠被寒燈枕自

橫窗初驚窓外啼鶻催五更

姚令威

粼粼楊柳綠初低澹澹梨花開未齊樓上情人聽馬嘶憶即歸細雨春風濕酒旗

蕃女怨

温飛卿

萬枝香雪開已遍細雨雙燕鈿蟬篆金雀扇盡梁相見鴈門消息不歸來又飛廻

二

積南沙上驚鴈起飛雪千里王連環金鏃箭年華催戰盡樓離恨錦屏空杏花紅

後庭花破子

王樹後庭前瑤草粧鏡邊去年花不老今年月又圓莫教偏和花和月大家長少年

如夢令一名宴桃源一名憶仙

古今詞話

曾宴桃源仙洞一曲清歌舞鳳長記欲別時和淚出門相送如夢如夢殘月落花煙重

後唐莊宗脩內苑掘得斷碑中有三十二字莊宗使樂工入律歌之名曰古記又使翰林作數篇

馮延巳

塵拂玉臺鸞鏡鳳髻不堪重整綃帳泣流蘇愁掩玉屏人靜多病多病自是行雲無定

門外迢迢行路誰送郎邊尺素巷陌雨餘風當面濕
花飛去無緒無緒閑處偷垂玉筍

周美成

朱希真

一夜新秋風雨客恨客愁無數我是卧雲人悔到紅
塵深處難住難住拂袖青山歸去

謝無逸

花落鶯啼春暮陌上綠楊飛絮金鴨晚香寒人在洞
房深處無語無語葉上數聲疎雨

二

門外落花流水日暖杜鵑聲碎番馬小屏風一枕書
堂春睡如醉如醉正是困人天氣

秦少游

門外鴉啼楊柳春色着人如酒睡起鬢沉香玉腕不
勝金斗消瘦消瘦還是褪花時候

二

遙夜沉沉如水風緊驛亭深閉夢破鼠窺燈霜送曉
寒侵被無寐無寐門外馬嘶人起

三

幽夢忽忽破後妝粉亂痕霜袖遙想酒醒來無柰玉

銷花瘦。回首四首遶岸夕陽踈柳。

四

樓外殘陽紅滿。春入柳條，將半桃李，不禁風。回首落
英無限。腸斷。腸斷人共楚天俱遠。

五

池上春歸何處。滿目落花飛絮，孤館悄無人。夢斷月
堤歸路。無緒。無緒。簾外五更風雨。

向豐之

誰伴明窓獨坐。我和影兒，兩箇燈盞。欲眠時影也。把
人拋躲。無那。無那。好個恹恹的我。

晁叔用

簾外新來雙燕。朱閣瓊樓，穿遍香徑。得泥歸飛。蹙池
塘波面。誰見。誰見。春晚昭陽宮殿。

二

墻外輓轡金井。驚夢。曹騰初省。深院閑斜陽。燕入陰
簾影。人靜。人靜。花落鳥啼飛定。

三

門在垂楊陰裏。樓枕曲江春水。一陣牡丹風。香壓滿
園花氣。沉醉。沉醉。不記綠窓先睡。

不見

沈會宗

日過重簾未捲
裊裊欲殘香線
午醉恰醒來
柳外一聲鶯
嚶不見不見
門掩落花深院

二

迴首蕪城舊苑
還是綠深紅淺
春意已無多
斜日滿簾飛燕
不見不見
花上雨來風轉

曹元寵

門外綠陰千頃
兩兩黃鸝相應
睡起不勝情
行到碧梧金井
人靜人靜
風動一枝花影

朱雍

池上數枝開遍
臨水幽香清淺
樓上欲黃昏
吹徹一聲晴管
零亂零亂
衣上殘英都滿

黃魯直

鶯嘴啄花紅溜
燕尾點波綠皺
指冷玉笙寒
吹徹小梅春透
依舊依舊
人與綠楊俱瘦

李易安

常記溪亭日暮
沉醉不知歸路
興盡晚回舟
誤入芙蓉深處
爭渡爭渡
驚起一灘鷗鷺

二

昨夜雨疎風驟
濃睡不消殘酒
試問卷簾人
却道海棠依舊
知否知否
應是綠肥紅瘦

日暮馬嘶人去船逐清波東注後夜最高樓還肯思
量人否無緒無緒生怕黃昏踈雨

著溪
澳隱

美奴 陸敦禮
侍兒

席上紅白桃花

嚴蕊 幼芳天
台營妓

道是梨花不是道是杏花不是白白與紅紅別是東
風情味曾記曾記人在武陵微醉

宮詞

孫夫人

翠擘紅蕉影亂月上朱欄一半風自碧空來吹落歌
珠一串不見不見人被綉簾遮斷

宴桃源

周少隱

簾幙踈踈風透庭下月寒花瘦寬盡沈郎衣方寸
禁儻難受難受燈暗月斜時候

憶仙姿

賀方回

蓮葉初生南浦兩岸綠楊飛絮向晚鯉魚風斷送絲
帆何處凝佇凝佇樓外一江煙雨

宴桃源

陳去非

落日霞綃一縷素月稜稜微吐何處夜歸人嘔噀幾
聲柔櫓歸去歸去家在煙波深處

晁次膺

又是青春將暮望極桃溪歸路洞戶悄無人空鎖一

庭紅雨凝佇凝佇人面不知何處

書趙伯充家小姬領巾

黃魯直

天氣把人僞慙落絮遊絲時候茶餘可曾炊一本云

藏花柳恰恰如今鏡中贏得銷瘦生受生受更被養去歲迷

娘催綉

梧葉兒

贈龜溪醫隱 唐茂之

張天雨

移家去市隱間幽事頗相關劉商觀棊罷韓康賣藥

還點檢綠雲鬟數不盡龜溪好山

宮中調笑

一名轉應詞 一名三臺令

王建

羅袖羅袖暗舞春風依舊遙看歌舞玉樓好日新粧

坐愁愁坐愁坐一世虛生虛過

二

蝴蝶蝴蝶飛上金花枝葉君前對舞春風百葉桃花

樹紅紅樹紅樹燕語鶯啼日暮

三

團扇團扇美人病來遮面玉顏憔悴三年誰復商量

管弦管弦管春草昭陽路斷

轉應詞

戴叔倫

邊草邊草邊草盡來兵老山南山北雪晴千里萬里

月明明月明月胡笳一聲愁絕

三臺令

馮延巳

春色春色依舊青門紫陌日斜柳暗花媽醉卧春色
少年少年少年少行樂直須及早

二

明月明月照得離人愁絕更深影入空床不道幃屏
夜長長夜長夜夢到庭花陰下

三

南浦南浦翠鬟離人何處當時携手高樓依舊樓前
水流流水流水中有傷心雙淚

遐方怨

温飛卿

憑繡檻解羅幃未得君書斷腸瀟湘春鴈飛不知征
馬幾時歸海棠花謝也雨霏霏

二

花半折雨初晴未捲珠簾夢殘惆悵聞曉鶯宿粧眉
淺粉山橫約鬟鵲鏡裏繡羅輕

訴衷情

温廷筠

鶯語花舞春晝午雨霏微金帶枕宮錦鳳凰帷柳弱
燕交飛依依遼陽音信稀夢中歸

韋莊

燭燼香殘簾未捲夢初驚花欲謝深夜月朧明何處

按歌聲輕輕舞衣塵暗生負春情

顧曼

香滅簾垂春漏永整鴛衾羅帶重雙鳳綫黃金窗外
月光臨沉沉斷腸無處尋負春心

二

永夜拋人何處去絕來音香閣掩眉歛月將沉爭忍
不相尋怨孤衾換我心爲你心始知相憶深

西溪子

牛嶠

捍撥雙盤金鳳蟬鬢玉釵搖動畫堂前人不語絃解
語彈到昭君怨處翠蛾愁不擡頭

毛文錫

昨日西溪遊賞芳樹奇花千樣瑣春光金罇滿聽絃
管嬌妓舞袖香暖不覺到斜暉馬馱歸

李詢

金縷翠鈿浮動粧罷小窓圓夢日高時春已老人來
到滿地落花慵掃無語倚屏風泣殘紅

井州子

顧曼

一爐龍麝錦帷傍屏掩映燭熒煌禁樓刁斗喜初長
羅薦繡鴛鴦山枕上私語口脂香

二

每逢清夜與良晨
多悵望足傷神
雲迷水隔意中人
寂寞繡羅裯
山枕上幾點淚痕新

三

曾如劉阮訪仙蹤
深洞客此時逢
綺筵散後繡衾同
款曲見韶容
山枕上常是怯晨鐘

天仙子

皇甫松

晴野鷺鷥飛一隻
水渼花發秋江碧
劉郎此日別天
仙登綺席淚珠滴
十二晚峯高歷歷

常莊

悵望前回夢裡期
看花不語苦尋思
露挑宮裏小腰

肢眉眼細鬢雲垂
唯有多情宋玉知

二

深夜歸來長酌酊
扶入流蘇猶未醒
醺醺酒氣麝蘭
和驚睡覺笑呵呵
長道人生能幾何

三

蟾彩霜華夜不分
天外鴻聲枕上聞
繡衾香冷嬾重
薰人寂寂葉紛紛
綈睡依前夢見君

四

夢覺雲屏依舊空
杜鵑聲咽隔簾櫳
玉郎薄幸去無
蹤
一日日恨重重
淚界蓮腮兩線紅

柳色披衫金縷鳳織手輕拈紅豆弄翠蛾雙臉正含
情桃花洞瑤臺夢一片春愁誰與共

和凝

二

洞口春紅飛軟軟仙子含愁眉黛綠阮郎何事不歸
來懶燒金慵篆玉流水桃花空斷續

思佳客令

趙介菴

天似水秋到芙蓉如亂綺芙蓉意與黃花倚歷歷黃
花矜酒美清露香山間有箇閑人喜

風流子

孫光憲

樓倚長衢欲暮瞥見神仙伴侶微傅粉攏梳頭隱映
畫簾開處無語無緒慢曳羅裙歸去

三

金絡玉銜嘶馬繫向綠楊陰下朱戶掩繡簾垂曲院
水流花謝歡罷歸也猶在九衢深夜

歸國謠

馮延巳

何處笛深夜夢回情脉脉竹風簷雨寒窓隔離人
幾歲無消息今頭白不眠特地重相憶

二

春艷艷江上晚山三四點柳絲如剪花如染香閨

寂寂門半掩愁眉歛泪珠滴破胭脂臉

三

寒水碧水上何人吹玉笛扁舟遠送瀟湘客
蘆花千里霜月白傷行色來朝便是關山隔

江城子

常莊

恩重嬌多情易傷漏更長解鴛鴦朱唇未動先覺口
脂香緩揭繡衾抽皓腕移鳳枕枕潘郎

二

髻鬟狼籍黛眉長出蘭房別檀郎角聲嗚咽星斗漸
微注露冷月殘人未起留不住淚千行

牛嬌

鷓鴣飛起郡城東碧江空半灘風越王宮殿蘋葉藕
花中簾卷水樓漁浪起千片雪雨濛濛

二

極浦煙消水鳥飛離筵分首時送金卮渡口揚花狂
雪任風吹日暮空江波浪急芳草岸雨如絲

張泌

碧欄干外小中庭雨初晴曉鶯聲飛絮落花時節近
清明睡起卷簾無一事勻面了沒心情

二

浣花池上見卿卿
臉波秋水明黛眉
輕綠雲高縮金
簇小蜻蜓好是問
他來得磨和笑道
莫多情

四時樂

春

李公麟

桃李花開春雨晴
聲聲布穀迎村鳴
家家場頭酹酒
觥為告庄主東作
與黃犢先破東南村

夏

火雲蔽日當空浮
田頭耨草汗欲流
綠竹人寂鳥聲
休暫來歇午乘清
幽山妻送餉扇遮頭

秋

黃雲萬里秋有成
村村酒熟家家迎
割羊賽社人不
醒醉後鼓腹歌昇
平欣然同樂倉滿盈

冬

寒風十月雪欲飛
居人木榻添紙帟
地爐活火酒頻
煨瓦杯不說羊羔
肥醉來曲肱歌聲微

公麟字伯時元祐間登第為西州錄事參軍好古傳雅工草書圖畫元符中歸老泉石作龍眠山莊

定西番

温廷筠

漢使昔年離別攀弱柳
折寒梅上高臺
千里玉關
春雪鴈來人不來
羌笛一聲愁絕月徘徊

二

細雨曉鶯春晚人似玉柳如眉正相思
羅幕翠簾初捲鏡中花一枝腸斷塞門消息
鴈來稀

牛嶠

紫塞月明千里金甲冷戍樓寒夢長安
鄉思望中天濶漏殘星亦殘盡角數聲
鳴咽雪漫漫

毛熙震

蒼翠濃陰滿院鶯對語蝶交飛戲薔薇
斜日倚欄風好餘香出繡衣未得玉郎
消息幾時歸

牛嶠

東風急惜別花時手頻執羅幃愁獨入
馬嘶殘雨春

望江怨

蕪濕倚門立寄語薄情郎粉香和淚泣

思帝鄉

温飛卿

花花滿枝紅似霞羅袖畫簾腸斷卓香
車回面共人閒語戰筧金鳳斜唯有阮
郎春盡不歸家

孫光憲

如何遣情情更多永日水晶簾下歛羞
蛾六幅羅裙窄地微行曳碧波看盡滿
地踈雨打團荷

莫打鴨

宣城守呂士龍欲扶營妓并麗華呂
眷一客娼并短肥梅聖俞作此解之

莫打鴨打鴨驚鴛鴦鴛鴦新自南洲落
不比孤洲老
禿鶻禿鶻尚有獨飛去何况鴛鴦羽翼
長

侯鯖

長相思

白樂天

深畫眉。淺畫眉。蟬鬢鬢鬢雲滿衣。陽臺行雨迴。巫山高。巫山低。暮雨瀟瀟郎不歸。空房獨守時。

二

汴水流。泗水流。流到瓜州古渡頭。吳山點點愁。悠悠恨悠悠。恨到歸時方始休。月明人倚樓。思

李後主

一重山。兩重山。山遠天高烟水寒。相思楓葉丹。菊

二

雲一緺。玉一梭。澹澹衫兒薄薄羅。輕顰雙黛螺。秋風多。雨相和。簾外芭蕉三兩窠。夜長人柰何。

馮延巳

紅滿枝。綠滿枝。宿雨厭厭睡起遲。閒庭花影移。憶歸期。數歸期。夢見雖多相見稀。相逢知幾時。

林和靖

吳山青。越山青。兩岸青山相送迎。誰知離別情。君淚盈。妾淚盈。羅帶同心結未成。江頭潮已平。

歐陽永叔

蘋滿溪。柳遶堤。相送行人溪水西。回時隴月低。煙

霏霏風淒淒重倚朱門聽馬嘶寒鷗相對飛

一作張子野

黃叔暘

天悠悠水悠悠月印金樞曉未收
笛聲人倚樓
花秋蓼花秋催得吳霜點鬢稠
香箋莫寄愁

蘆

万俟雅言

短長亭古今情樓外涼蟾一暈生
雨餘秋更清
雲平暮山橫幾葉秋聲和鴈聲
行人不要聽

暮

遊西湖

康伯可

南高峯北高峯一片湖光烟靄中
春來愁殺儂
意濃妾意濃油壁車輕郎馬驄
相逢九里松

郎

呂居仁

要相忘不相忘玉樹郎君月艷娘
幾回欲斷腸
下床却上床上得床來思舊鄉
北風吹夢長

欲

李知幾

花飛飛絮飛飛三月江南烟雨時
樓臺春樹迷
鶯兒雙燕兒橋北橋南相對啼
行人猶未歸

雙

寄遠

劉後村

朝有時暮有時潮水猶知日兩迴
人生長別離
有時去有時燕子猶知社後歸
君行無定期

來

程正伯

對重陽感重陽。身在西風天一方。年年人斷腸。景
淒涼。客淒涼。縱有黃花祇異鄉。晚雲連夢長。

願堂

來匆匆去匆匆。短夢無憑春又空。難隨卽馬蹤。山
重重。水重重。飛絮流雲西復東。音書何處通。

王之道

吳江風。吳江楓。索索秋聲飛亂紅。晚來歸意濃。淮
山西。淮山東。明月今宵何處同。相尋魂夢中。

二

風淒淒。雨霏霏。風雨夜寒人別離。夢迴還自疑。蛩

聲悲。漏聲遲。一點青燈明更微。照人雙淚垂。

萬俟雅言

一聲聲。一更更。窗外芭蕉窓裏燈。此時無限情。夢
難成。恨難平。不道愁人不喜聽。空塔滴到明。

大德

清夜長。泛玉觴。照座江梅花正芳。風傳細細香。鬪
艷粧。留醉鄉。一曲清歌聲遶梁。罇前人斷腸。

煙淒淒。草淒淒。野火原頭燒斷碑。不知名姓誰。印
累累。塚纍纍。千萬人中幾箇歸。榮華朝露稀。

又
勸一盃。復一盃。短插相隨死便埋。英雄安在哉。眉
不開。懷不開。幸有江邊舊釣臺。拂衣歸去來。

春晚

黃叔暘

惜春歸。愛春歸。脫了羅衣著苧衣。綠陰黃鳥啼。酒
醒時。夢醒時。清簟疎簾一局棋。丁東風馬兒。

又

花滿枝。柳滿枝。眼底春光似舊時。燕歸人未歸。淚
沾衣。酒沾衣。煩惱長多歡事稀。此情風月知。

又

面蒼然。鬢皤然。滿腹詩書不直錢。官閑常晝眠。銘
燕山賦甘泉。自古功名屬少年。知心惟杜鵑。

賈似道遭貶

去年秋。今年秋。湖上人家樂復憂。西湖依舊流。吳
循州。賈循州。十五年間一轉頭。人生放下休。吳履齋
貶由賈

雪消春初

吳狀姬夷聖
志

煙霏霏。雨霏霏。雪白梅花枝上堆。春從何處回。醉
眼開。睡眼開。踈影橫斜安在哉。從教塞管催。

夢桃源

明道雜誌

砥柱勒銘賦。本贊禹功勳。試官親處分。贊唐文。秀

才真上子稟奎駕幸并汾恰似鄭州去出曹門

光禹錫學士厚德老儒而性涉迂滯嘗言一生讀書但得佳賦題數箇每遇差考試輒用之亦幾盡嘗試監生試砥柱勒銘賦此銘今具在乃唐太宗銘禹功而堯公誤記為太宗自銘其功宋煥中第一其賦悉是太宗自銘韓王女時為御史因章劾之有無名子作此朝之真子稟俗謂昏也

河滿子

毛文錫

紅粉樓前月照碧紗窓外鶯啼夢斷遼陽音信那堪
獨守空閨恨對百花時節王孫綠草萋萋

和凝

寫得魚牋無限其如花鎖春輝日斷巫山雲雨空教
殘夢依依却愛薰香小鴨羨他長在屏幃

孫光憲

冠劍不隨君去江河還共思深歌袖半遮眉黛慘淚
珠旋滴衣襟惆悵雲愁雨怨斷魂何處相尋

風光好

陶秀實

好姻緣惡姻緣祇得郵亭一夜眠別神仙琵琶撥盡
相思調知音少待得鴛膠續斷絃是何年

天機餘錦

柳陰陰水沉沉風約雙鳧立不禁碧波心孤村橋
斷人迷路舟橫渡旋買村醪淺淺斟更微吟

相見歡

一名上西樓秋夜月憶真妃烏夜啼

薛昭蘊

羅襦繡袂香紅畫堂中細草平沙蕃馬小屏風卷
羅幕凭粧閣思無窮暮雨輕烟魂斷隔簾櫳

孟昶古今詞話

無言獨上西樓月如鈞寂寞梧桐深院鎖清秋
不斷理還亂是離愁別有一般滋味在心頭花菴作烏夜啼

李後主烏夜啼

林花謝了春紅太匆匆無柰朝來寒雨晚來風
胭脂相留醉幾時重自是人生長恨水長東

馮延巳

曉窓夢到昭華何瓊家欹枕殘粧一朵卧枝花
情

極處却無語玉釵斜翠閣銀屏回首已天涯
朱希真

東風吹盡江梅橘花開舊日吳王宮殿長青苔
今古事英雄淚老相催常恨夕陽西下晚潮回

二

瀧州幾番清秋許多愁嘆我貼閑白了少年頭
人間事如何是去來休自是不歸歸去有誰留

烏夜啼

天機餘錦

都無一點殘紅夜來風底事東君歸去太匆匆
花醉梨花淚總成空斷送一年春在綠陰中
桃

詞話

一彎月掛危樓似藏鈎醉裏不知黃葉報新秋
征鴻斷歸雲亂遠峯愁愁見綠楊疑恨在江頭

陸放翁

江樓綠暗紅稀燕交飛忽到當年行處恨依依
灑清淚嘆人事與心違滿酌玉壺花露送春歸

憶真妃

康仲柏

忽忽一望閨河聽離歌艇子急催雙槳下清波
淋浪醉闌干淚柰情何明日畫橋西畔暮雲多

西樓子

蔡仲道

樓前流水悠悠駐行舟滿目寒雲衰草使人愁
多少恨多少淚謾遲留何似驀然拚捨去來休

望梅花

和凝

春草全無消息臘雪猶餘蹤跡越嶺寒枝香自折冷
艷奇芳堪惜何事壽陽無處覓吹入誰家橫笛

孫光憲

二調
異

數枝開與短牆平見雪萼紅跗相映引起誰人邊塞
情簾外欲三更吹斷離愁月正明空聽隔江聲

醉太平

贈妓

劉龍洲

情高意真眉長鬢青小樓明月調箏寫春風數聲
思君憶君魂牽夢縈翠銷香暖雲屏更那堪酒醒

四字令

張叔夏

鶯吟翠屏簾吹絮雲東風也怕花嗔帶飛花趁春
隣娃笑迎嬉遊趁晴明朝何處相尋那人家柳陰

調笑

集句

宣和中九重
傳出

蓋聞行樂須及良辰鍾情正在吾輩飛觴舉白日
斷巫山之暮雲綴玉聯珠韻勝池塘之春草集古
人之妙句助今日之清歡

珠流璧合暗連文月入千江體不分此曲只應天

上有歌聲豈合世間聞

巫山

千里楚江水明月樓高愁歎倚井梧宮殿生秋意望
斷巫山十二雪肌花貌參差是朱閣五雲仙子

桃源

相誤桃源路萬里蒼蒼煙水暮留君不住君須去秋
月春風閑度桃花零亂如紅雨人面不知何處

洛浦

非霧花無語還似朝雲何處去凌波不過橫塘路燕
燕鶯鶯飛舞風吹仙袂飄飄舉擬倩遊絲惹住

明妃

相憶無消息日斷遙天雲自白寒山一帶傷心碧風
上蕭疎胡國長安不見浮雲隔縱使君來爭得

班女

來見蓋宮殿記得隨班迎鳳輦餘花落盡蒼苔院斜
掩金鋪一扇千金買笑無方便和淚盈盈嬌眼

錦瑟

無處難輕訴錦瑟華年誰與度黃昏更下蕭蕭雨况
是青春將暮花雖無語鶯能語來道曾逢郎否

琵琶

衫濕情何極上下花間聲轉急滿船明月蘆花白秋
水長天一色芳年未老時難得目斷遠空凝碧

放隊

玉爐夜起沉香煙喚起佳人舞繡筵去似朝雲無處
覓遊童陌上拾花鈿

西子

晁無咎

腸斷越江岸越女江頭沙自浣天然玉貌鈿紅淺自
美美蓉日晚紫駟嘶去猶回眄笑入荷花不見

回紋

寸結肝腸切織錦機遍音韻咽玉琴塵暗薰爐歇望

盡床前秋月刀裁錦斷詩可滅恨似連環難絕

羅敷

鄭彥能

歸去携籠女南陌柔柔三月暮使君春思如飛絮五
馬徘徊頻駐蚕飢日晚空留頽笑指秦樓歸去

武陵

煙暖武陵晚洞裏春長花爛熳紅英滿地溪流淺漸
聽雲中鷄犬劉郎迷路香風遠悞到蓬萊仙館

蘇小

蘇小最嬌妙幾度花間曾調笑雲情雨態知多少悔
恨相逢又早劉郎襟韻正年少風月今宵偏好

蘇蘇

聲切恨難說千里潮平春浪濶梅風不解相思結忍
送落花飛雪多才一去芳音絕更對珠簾新月

張好好

李漢老

相望楚江上縈水繚雲凝妙唱龍沙醉眼看花浪正
要風將月傍雲車瑤佩成惆悵衰柳自須相向

太真

黃山谷

無語恨如許方士歸時腸斷處梨花一枝春帶雨半
鈿分釵親付天長地久相思苦渺渺鯨波無路

王昭君

秦少游

回顧漢宮路
捍撥檀槽
寫對舞玉容
寂寞花無主
顧影偷彈玉筋
未央宮殿
知何處
目斷征鴻南去

樂昌公主

輦路江楓古樓上
吹簫人在否
菱花半壁
香塵汚
往日繁華
何處舊歡
新愛誰爲主
啼笑兩難分付

崔徽

翡翠好容止
誰使庸奴輕點綴
裴郎一見
心如醉笑
裏偷傳深意
羅衣深夜與門吏
暗結城西
西函會

無雙

相慕無雙女
當日尚書先
曾許王郎明俊
神仙侶
腸

斷別離情
苦數年
睽恨今復遇
笑指襄江歸去

灼灼

腸斷繡簾捲
妾願身爲梁上燕
朝朝暮暮長相見
莫遣恩遷情變
紅綃粉淚知何限
萬古空傳遺怨

眇眇

戀戀樓中燕
燕子樓空
春日晚
將君一去音容遠
空鎖樓中深怨
春風重到人不見
十二闌干倚遍

崔鶯鶯

春夢神仙洞
冉冉拂墻花
樹動西廂待月
知誰共更
覺玉人情重
紅娘深夜行雲送
困鞦韆橫金鳳

採蓮

柳岸水清淺笑折荷花呼女伴盈盈日照新妝面水
調空傳幽怨扁舟日暮笑聲遠對此令人腸斷

煙中怨

春戀西湖岸湖面樓臺侵雲漢阿溪本是飛瓊伴風
月朱扉斜掩謝郎巧思詩裁剪能動芳懷幽怨

離魂記

心素與誰語始信別離情最苦蘭舟欲解春江暮精
爽隨君歸去異時携手重來處夢覺春風庭戶

清友

梅

曾端伯

清友群芳右萬縞紛披茲獨秀天寒月薄黃昏後縞
袂亭亭招手故山千樹連雲岫借問如今安否

淨友

蓮

淨友如裝就折得清香來滿手一溪湛湛無塵垢白
羽輕搖晴晝遠公保社今何有悵望東林搔首

王友

酒

王友平生舊相與忘形偏耐久醉鄉徑到無何有莫
問區區升斗人生一笑難開口為報速宜相就

破子

花好被花惱庭下嫣然如巧笑曾教健步移根到各

是一般奇妙賞心樂事知多少亂插繁華晴昊
酒美直無比小甕新醅浮玉蟻空傳烏氏并程氏不
數雲安麴米十花更互來相對常伴先生沉醉

搗練子

黃魯直

梅凋粉柳搖金池塘波暖動遊鱗扇和風初晝永
微雨後歛輕塵除非重見那人人再叙厚約深盟

天機

林下路水邊亭涼吹水面散餘醒小藤床隨意橫暗
暗記得舊時經翠荷開雨做秋聲恁時節不怕聽

薄命女

一名長命女

和疑

天欲曉宮漏穿花聲繚繞窓裏星光少冷霞寒侵帳
額殘月光沉樹杪夢斷錦帷空悄悄強起愁眉小

馮延巳

春日宴綠酒一杯歌一遍再拜陳三願一願即君千
歲二願妾身長健三願如同梁上燕歲歲長相見

楊柳枝

牛嶠

膩粉瓊粧透碧紗雪休誇金鳳搔頭墜鬢斜髮交加
倚着雲屏新睡覺思夢笑紅腮隱出枕函花有此

此

顧曼

秋夜香閨思寂察漏迢迢鴛幃羅幌麝煙銷燭光搖
正憶主即遊蕩去無尋處更聞簾外雨蕭蕭滴芭
蕉

雅詞

款款花飛一雨殘乍衣單屏風數幅畫江山水雲閑
別易會難無計那淚潛潛夕陽樓上凭闌干望長
安

秋景

趙君峯

浙浙西風生暮寒繡衣單碧梧葉落藕香殘恨前歡
天月鏤虛櫺烟逗竹夢千山玉簫清夜憶孤鴛情長

閑

感恩多

牛嶠

自從南浦別愁見丁香結近來情轉深憶鴛衾幾
度將書托煙鴈淚盈襟淚盈襟禮月求天願君知我
心

二

兩條紅粉淚多少香闌意強攀桃李枝歛愁眉陌
上鶯啼蝶舞柳花飛柳花飛願得郎心意家還早歸

醉公子

顧夔

漠漠秋雲澹紅藕香侵檻枕倚小山屏金鋪向晚扃

年
睡起橫波慢獨望情何限衰柳數聲蟬魂銷侶去

二

難
岸柳垂金線雨晴鶯百轉家住綠楊邊往來多少年
馬嘶芳草遠高樓簾半捲歛袖翠蛾攢相逢爾許

尹鷲

新
暮煙籠薛砌戟門猶未閉盡日醉尋春歸來月滿身
離鞍偎繡袂墜巾花亂綴何處惱佳人檀痕衣上

唐人

時
門外獨兒吠知是蕭郎至剗襪下香階寃家今夜醉
扶得入羅幃不肯脫羅衣醉則從他醉還勝獨睡

生查子

韓偓

侍女動粧奩故故驚人睡那知本未眠背而偷垂淚
懶卸鳳頭釵羞入鴛鴦被時復見殘燈和烟墜金穗
牛希濟

春山烟欲收天澹星稀少殘月臉邊明別淚臨清曉
語多情更深回首猶重道記得綠羅裙處處憐芳草

煙雨晚晴天零落花無語難話此時心梁燕雙來去
琴韻對薰風有限和情撫腸斷斷絃頻淚滴黃金
縷

魏承班

二

寂寞畫堂空深夜垂羅幕燈暗錦屏欹月冷珠簾箔
愁恨夢難成何處貪歡樂看看又春來還是長蕭
索

歐陽永叔

去年元夜時花市燈如晝月在柳梢頭人約黃昏後

袖
今年元夜時月與燈依舊不見去年人淚滿春衫

箏

張子野

含愁整翠鈿得意頻相顧鴈柱十三弦一一春鶯語
嬌雲容易飛夢斷知何處深院鎖黃昏陣陣芭蕉
雨

朱敦儒

年年玉鏡臺梅蘂宮粧困今歲未還家怕見江南信
歡從別後踈淚向愁中盡遙想楚雲深久遠天涯
近

趙德莊

新月曲如眉未
有團圓意紅豈
不堪看滿眼相
思淚
終日擘桃穠人
在心兒裏兩朵
隔牆花早晚成
連
理

向伯恭詞

春心如杜鵑日
夜思歸切啼盡
一川花愁落千
山月

雪
暹伶白玉人翠
被前香歇可慣
獨眠寒減動豐
肌

二

春山和恨長秋
水無言度脉脉
復盈盈幾點梨
花雨

處

深深一段愁寂
寂無行路推去
又還來沒箇遮
攔

劈橙為軟金詞

金章宗

見歸
潛志

風流紫府即飲
痛烏紗岸柔軟
九回腸冷怯玻
璃盃
纖纖白玉葱分
被黃金彈借取
洞庭春飛上桃
花

面

摺疊扇

朱新仲

著舊
續聞

宮紗蜂趁梅寶
扇鳶開翅數摺
聚清風一捻生
秋意
搖搖雲母輕裊
裊瓊枝細莫解
玉連環怕作飛
花

墜

晏叔原

金鞍美少年去躍青驄馬牽繫玉樓人翠被春寒夜
消息未歸來寒食梨花謝無處說相思背面秋千
下

二

輕輕製舞衣小小裁歌扇三月柳濃時又向津亭見
垂淚送行人濕破紅粧面玉指袖中彈一曲清商
怨

一

紅塵陌上遊碧柳堤邊住才趁彩雲來又逐飛花去

處

深深美酒家曲曲幽香路風月有情時總是相逢

四

官身幾日閑世事何時足君貌不長紅我髮無重綠
榴花滿箴香金縷多情曲且盡眼中歡莫嘆時光
促

陸務觀

梁空燕委巢院靜鳩催雨香潤上朝衣客少閑談麈
鬢邊千縷絲不是吳蚕吐孤夢泛瀟湘月落聞柔

艣

上元戲陳敬叟

劉潛夫

繁燈奪鬢青
戲鼓催明發
風物昔時同
况味中年別
一
淺畫鏡中眉
深拜樓西月
人散市聲收
漸入愁時

節

王觀

閑山魂夢長
塞鴈音書少
兩鬢可憐青
一夜相思老
歸傍碧紗窓
說與人人道
真箇別離難
不似相逢好

朱雍

簾櫳月上時
寂寞東風裏
又是立黃昏
梅影臨牕綺

玉梅清夜寒
夢斷還無寐
曉角一聲殘
吹徹人千里

呂居仁

殘春霧雨餘
小院黃昏後
說道覓新詞
把酒來相就
酴醾插髻雲
歲歲長如舊
不是做詞遲
却怕添伊瘦

二

雙雙小鳳斜
淡淡鴉兒穩
一曲渭城歌
柳色饒春恨
離腸洗別愁
酒盡愁難盡
寶瑟鴈縱橫
誰寄天涯信

人分南浦春酒把陽關盡衣帶自無情頓為離人緩
愁隨苦海深恨逐前峯遠更聽斷腸猿一似聞絃
鴈

程正伯

長記別時月淡梅花影梅影又橫窓不見江南信
無心換夕香有分憐朝鏡不怕瘦稜稜只怕梅開
盡

呂聖求

攤錢臨小窓撲蝶斜穿徑醉戲晚風前吹亂連枝影

春別來秋夜長夢到金屏近腸斷一聲鷄殘月懸朝
鏡

朱淑真

寒食未多時幾日東風惡無緒倦尋芳閒却秋千索
瘦減翠裙交病怯羅衣薄不忍捲簾看寂寞梨花
落

孫光憲

寂寞掩朱門正是天將暮暗澹小庭中滴滴梧桐雨
繡工夫牽心緒配盡鴛鴦綫待得沒人時偎倚論
私語

寄邨公章得象陳情

名藥

陳亞 青箱雜記

朝廷數擢賢旋占凌霄路自是鬱陶人險難無夷處
也知沒藥療孤寒食藥何相誤大幅紙連粘甘草
歸田賦

閨情

相思意已深白紙書難足字字苦參商故要檀郎讀
分明記得約當歸遠至櫻桃熟何事菊花時猶未
回鄉曲

毛澤民

春晚出山城落日行江岸人不共潮來香亦臨風散

亂

花謝小粧殘鶯困清歌斷行雨夢魂消飛絮心情

閨情

無名氏

閑倚曲屏風試寫相思字不道極多情却是渾無思
笑近短牆陰拋箇青梅子苔上印鈎彎邂逅難忘
此

別怨

即如陌上塵妾似堤邊絮一別兩悠揚踪跡無尋處
粉面妬青春春泪眼零紅雨過了別離時還解相思
苦

閨思

向伯恭

相思懶下床春夢迷蝴蝶入柳又穿花去去輕如葉
可堪岐路長不道關山隔無賴是黃鸝喚起空愁
絕

閨情

前人

娟娟月入眉整整雲歸髮鏡裏美妝遲簾外風移影
斜窺秋水長軟語春鶯近無計奈情何只有相思
分

王千秋

審齋詞

鶯聲恰恰嬌草色纖纖嫩詩鬢已驚霜鏡裏慵拈杏

因何積恨山眉眉着眉攻愁陣春事到茶蘼還是無音
信

周少隱

竹坡詞

春寒入翠帷月淡雲來去院落半晴天風撼梨花樹
人醉掩金鋪閑倚秋千柱滿眼是相思無說相思
處

二

青絲結曉鬟臨鏡心情嬾知為曉愁濃盡得雙蛾淺
柳困玉樓空花落紅窓暖相對語春愁只有春閨
燕

新歡君未成往事無人記行雨共行雲如夢還如醉
相見又難言欲住渾無計眉翠莫頻低我已無多
淚

四

金鞍欲別時芳草溪邊渡不忍上西樓怕看來時路
簾幙卷東風燕子雙雙語薄倖不歸來冷落春情
緒

太平時

一名賀聖朝影

賀方回

秋盡江南葉未彫晚雲高青山隱隱水迢迢接亭臯

宵

二十四橋明月夜弭蘭橈玉人何處教吹簫可憐

陸放翁

竹裏房櫳一迳深靜悄悄亂紅飛盡綠成陰有鳴禽
臨罷蘭亭無一事自脩琴銅爐裊裊海南沉洗塵
襟

賀聖朝影

歐陽永叔

白雪梨花紅粉桃露華高垂楊慢舞綠絲條草如袍
風過小池輕浪起似江臯千金莫惜買香醪且陶
陶

冬

雪滿長安酒價高
度寒宵身輕不要鷓鴣袍
醉紅嬌花月暗成離別
恨夢無慘起來春信惹梅梢
又魂消

蝴蝶兒

張泌

蝴蝶兒晚春時
阿嬌初着淡黃衣
倚窓學盡伊
還似花間見
雙雙對對飛
無端和淚拭
胭脂惹教雙翅垂

昭君怨

一名洛地怨

東坡

誰作桓伊三弄
驚破綠窓曉
夢新月與愁烟滿江天

流
欲去又還不去
明日落花飛絮
絮送行舟水東

萬俟雅言

春到南樓雪盡
驚動燈期花信
小雨一番寒
倚闌干莫把闌干
倚一望幾重煙水
何處是京華暮雲

遮

月夜賞荷花

張功甫

月在虛空中
住人向菱荷中去
花氣雜風涼
滿船香雲被歌聲
搖動酒被詩情
掇送醉裏
卧花心擁紅

梅花

鄭中卿

道是花來春未道是雪來香異水外一枝斜野人家
冷淡竹籬茅舍富貴玉堂瓊樹兩地不同栽一般
開

侯彥周 詞 瀾 窟

晴日烘香花睡花艷浮杯人醉楊柳綠絲風水溶溶
留戀芳叢深處懶上錦鞵歸去待得牡丹開更同
來

雪

金主亮

昨日樵村漁浦今日瓊川銀渚山色捲簾看老峯巒

錦帳美人貪睡不覺天花剪水驚問是楊花是蘆

花 夷堅支志云建康歸正官王和尚
濟南人能詠完顏亮小詞云

悼

朱希真

隴月黃昏亭榭池上秋千初架燕子說春寒杏花殘
淚斷愁腸難斷往事摠成幽怨幽怨幾時休淚還

流

王從叔

門外春風幾度馬上行人何處休更卷朱簾草連天
立盡海棠花月飛到荼蘼香雪莫恨夢難成夢無

憑

劉潛夫

看洛陽舊譜只許姚黃獨步若比廣陵祀太戲他
舊日王侯囹圄今日荆榛狐兔君莫說中州怕花
愁

洛妃怨

朱希真 燕歌

拾翠當年延佇解珮感君誠素微步過南崗獻明璫
襟上淚難再會惆悵幽蘭心事心事永難忘寄君

王

拋毬樂

馮延巳

酒罷歌餘興未闌小橋清水共盤桓波搖梅蘂傷心

白風入羅衣貼體寒且莫思歸去須盡笙歌此夕歡

二

逐勝歸來雨未晴樓前風重草烟輕谷鸚語軟花邊
過水調聲長醉裡聽欵舉金觥勸誰是當筵最有情

三

梅落新春入後庭眼前風物可無情曲池波晚水還
合芳草迎船綠未成且上高樓望相共凭欄看月生

四

霜積秋山萬樹紅倚巖樓上掛朱櫳白雲天遠重重
恨黃草烟深淅淅風髣髴梁州曲吹在誰家玉笛中

五

盡日登高興未殘
紅樓人散獨盤桓
一鈞冷霧懸珠箔
滿面西風凭玉欄
歸去須沉醉
小院新池月乍寒

六

坐對高樓千萬山
鴈飛秋色滿欄干
燒殘紅燭暮雲合
飄盡碧梧金井寒
咫尺人千里
猶憶笙歌昨夜歡

莫思歸

即拋
毬樂

花滿名園酒滿觴
且開笑口對穠芳
秋千風暖鸞釵
鞦韆綺陌春深翠
袖香莫惜黃金貴
日日須教賞酒嘗

點絳脣

寇平仲

水陌輕寒社公雨足
東風慢定巢新燕
濕雨穿花
象尺薰爐拂曉停
針線愁蛾淺
飛紅零亂側卧珠

簾捲

點絳脣

趙元鎮

惜別傷離此生此念
無重數故人何處
還送春歸去
美酒一杯誰解歌
金縷無情緒
淡煙疎雨花落空

庭暮

點絳脣

馮延巳

陰綠圍紅夢
瓊家在桃源
住畫橋當路
臨水開朱戶
柳暎春深
行到闌情處
鞦韆不語
意憑風絮吹向郎

邊去

韓魏公

病起恹恹對堂階花樹添憔悴紅飄砌滴盡真珠
淚惆悵前春誰相向花前醉愁無際武陵疑睇人
遠波空翠

春草

林和靜

金谷年年亂生春色誰為主餘花落處滿地和烟雨
又是離歌一闋長亭暮王孫去萋萋無數南北東
西路

遺妓

寇寺丞

春睡騰騰覺來鴛被堆香暖起來慵懶觸目情何限
深院日斜人靜花陰轉柔腸斷凭高不見芳草連

天遠

晏同叔

露下風高井梧宮簾生秋意畫堂筵啓一曲呈珠綴
天外行雲欲去凝香袂爐烟起斷腸聲裏飲盡雙
娥翠

晏叔原

花信來時恨無人似花依舊又成春瘦折斷門前柳
天與多情不與長相守分飛後泪痕和酒占了雙

羅袖

二

明月征鞭又將南陌垂楊折自憐輕別拚得音書絕
杏子枝邊倚遍攔干月依前缺去年時節舊事無
人說

王元之

雨恨雲愁江南依舊稱佳麗水村漁市一縷孤煙細
天際孤鴻遙認行如綴平生事此時凝睇誰會憑
攔意

周美成

臺上披襟快風一瞬收殘雨柳絲輕舉蛛網粘飛絮
極目平蕪應是春歸處愁凝竚楚歌聲苦村落黃
昏鼓

二

征騎初停酒行莫放離歌舉柳汀蓮浦香盡江南路
苦恨斜陽冉冉催人去空回顧淡煙橫素不見揚
鞭處

三

孤館迢迢暮天草露霑衣潤夜來秋近月暈通風信
今日原頭黃葉飛成陣知人悶故來相趁共結臨

岐恨

寄楚雲

妓

遼鶴西歸 故人多少傷心事
短書不寄魚浪空千
里 憑仗挑根說與相思意
愁何際 舊時衣袂猶有
東風淚

夷堅支志云美成在姑蘇與管妓岳楚雲相戀後從京師過吳則岳已從人久矣因飲於太守蔡巒子高坐上見其妹因作此詞寄之楚雲讀之感泣者累日

王和甫

倦游雜錄

秋氣微涼夢迴明月穿簾幕
井梧蕭索正遶南枝鵲
寶瑟塵生金鴈空零落
情無託鬢雲慵掠不似君

恩薄

葉少蘊

高柳蕭蕭睡餘色覺西風勁
小窓人靜浙瀝生秋聽
底事多情欲與流年競
殘雲暝墜巾慵整獨立芝

蘭徑

蘇養直

冰勒輕颺綠痕初漲
田塘水柳洲煙際白鷺翹
沙嘴 筠笠青囊未減
貂蟬貴雲濤裏醉眠
蓬底不屬人間世

間世

李蕭遠

樓下清歌水流歌斷春風暮夢雲烟樹依約江南路
碧水黃沙夢到尋梅處花無數問花無語明月隨
人去

陳子高

曲陌春風誰家姊妹同牆看映花烘暖嬌入茸茸眼
細馬輕衫倚醉偷回面垂楊轉墜鞭却扇白地肝
腸斷

曹元寵

踈柳殘蟬助人離思斜陽外淡烟踈靄節物隨愁改
水已無情風更無情睺蘭舟解水流風快回首人

何在

二

密炬高烧寶刀時剪金花碎照人歡醉也照人無睡
待得灰心陪盡千行淚籠紗裏夜涼如水猶喜長
成對

三

一片南雲定知來做巫山雨歌聲絕度只向風中住
惱亂襄王無限牽情處長天暮又還飛去目斷陽
臺路

四

沉醉歸來洞房燈火閑相照夜寒猶峭信意和衣倒
春夢雖多好夢常常少紗窓曉鳳幃人悄花外空
啼鳥

五

雲透斜陽半樓紅影明窓戶暮山無數歸鴈愁邊去
十里平蕪花遠重重樹空凝佇故人何處可惜春
將暮

東坡

獨倚胡床庾公樓外峰千朵與誰同坐明月清風我
別乘一來有唱終須和還知麼自從添箇風月平

分破

天台

秦少游

醉漾輕舟信流直到花深處塵緣相誤無計花間住
煙水茫茫回首斜陽暮山無數亂紅如雨不記來
時路

蹴罷秋千起來慵整纖纖手露濃花瘦薄汗輕衣透
見客入來襪剗金釵溜和羞走倚門回首却把青
梅嗅

賀方回

紅杏飄香柳含煙翠拖金縷水邊朱戶門掩黃昏雨
燭影搖紅一枕傷春緒歸不去鳳樓何處芳草迷
歸路

何籀

春雨濛濛淡烟深鎖垂楊院暖風輕扇落盡桃花片
薄倖不來前事思量遍無由見淚痕如線界破殘
粧面

鷓鴣踏花翻亂紅堆徑無人掃杜鵑來了梅子枝頭小
撥盡琵琶總是相思調知音少暗傷懷抱門掩春

山光

汪藻

高柳蟬嘶採菱歌斷秋風起晚雲如髻湖上山橫翠
簾捲西樓雨過涼生袂天如水画樓十二有箇人

同倚

託意

汪彥章

空照
新志

未夜厭厭畫簾低月山嶠斗起來搔首梅影橫窓瘦
好箇霜天閑却傳盃手君知否曉鴉啼後歸夢濃

如酒

能改齋漫錄云彥章在翰苑屢致言者作此詞或
問曰歸夢濃如酒何以在曉鴉啼後公曰無奈這

生何

黄山谷

羅帶雙垂妙香長恁携纖手半粧紅豆各自相思瘦
聞道伊家終日眉兒皺不能勾淚珠輕溜衰損揉
藍袖

趙元鎮

香冷金視裏曲鴛帳餘寒嫩更無人問一枕江南恨
消瘦休文頓覺春衫褪清明近杏花吹盡薄暮寒
成陣

王民瞻

花外紅樓當時青鬢顏如玉淡烟殘燭醉入花間宿
白髮相逢猶唱當時曲當時曲斷絃難續且盡杯

中綠

春雨春風梅

朱新仲 耆舊續聞

流水泠泠斷橋斜路橫枝亞雪花飛下全勝江南畫
白壁青錢欲買春無價歸來也風吹平野一點香
隨馬

呂聖求

俊眼犀心尊前如有乘鸞便過愁傳怨共許燈光見
見了重休河漢明遮斷深深院亂風飄霰揉了雙

羅燕

桃花落盡

周少隱

竹坡詞

燕子風高小桃枝上花無數
亂溪深處滿地飛紅雨
喚得春來又送春歸去
渾無緒劉郎前度空記來時路

朱希真

春雨春風問誰染就江南草
燕嬌鶯巧只是參軍老
今占紅塵愁了人多少
樽前好緩歌低笑醉向花間倒

孫尚之

煙洗風梳司花先放江梅吐
竹村沙路脉脉搖寒雨
醉魄吟魂無着清香處
愁如縷繫春不住又折冰枝去

詠梅月

陳同父

一夜相思水邊清淺橫枝瘦
小窓如畫情共香俱透
清入夢魂千里人長久
君知否雨傷雲愁格調還依舊

送韓濟之歸襄陽

王初寮

君溪漁隱

峴首亭空勸君休墮羊碑淚
宦游如寄且伴仙翁醉
說與鮫人莫解江皋佩
將歸思暈紅紫翠袖織迴

文字

釣臺

方有開

七里灘邊江光漠漠山如戟
漁舟一葉徑入寒煙碧
笑我塵勞羞對雙臺石
身如織年年行役魚鳥渾
相識

秋社

豐城南禪寺壁間詞

燕字依依曉來總為誰
歸去澹雲生處已覺賓鴻度
淺笑深嚙便面機中素
乘鸞女瓊窓瓊宇會有明
年暑

登樓

願堂詞

休惜餘春試來把酒留春住
問春無語簾捲西山雨
一掬愁心強欲登高賦
山無數烟波無數不放春
歸去

晚春

元遺山

醉裏春歸綠窓猶唱留春住
問春何處花落鶯無語
渺渺吟懷漠漠煙中樹
西樓暮一簾疎雨夢裡尋
春去

朱雍

輕艷盈盈相逢曾向寒溪路
惜飄零處無計禁春雨
素影參差人在瓊城步
危欄暮年光催度特地香

風住

梅

應次遽

深雪偶談

雪意嬌春臘前粧點春風面粉痕冰片一笑重煙見
倚竹偎松誰道羅浮遠寒更轉楚騷為伴韻逸香
篝爇

記夢

蕭允之

名儒詩餘

花徑相逢眼期心諾情如昨怕人疑着伴弄秋千索
知有而今何似當初莫愁難托雨鈴風鐸夢斷燈
花落

南浦月

張輯

來剪尊絲江頭一陣鳴衰雨孤蓬歸路吹得蕪風暮
短髮蕭蕭笑與沙鷗語休歸去玉龍嘶處邀月過

南浦

魏夫人

波上清風畫舫明月人歸後漸消殘酒獨自凭欄久
聚散匆匆此恨年年有重回首淡烟疎柳隱隱蕪
城漏

冬

朱淑真

風勁雲濃暮寒無柰侵羅幙髻鬟斜掠呵手梅粧薄
少飲清歡銀燭花頻落添蕭索春工已覺點破梅

花萼

閨思

李易安

寂寞深閨柔腸一寸愁千縷惜春春去幾點催花雨
倚遍闌干祇是無情緒人何處連天衰草望斷歸
來路

池上有懷

舒氏 王齊叟妻

獨自臨流悶來強把闌干凭舊愁新恨耗却年時興
鷺散魚潛烟歛風初定波心靜照人如鏡少箇年
時影

夷堅支志云王齊叟字彥齡元祐樞密彥霖弟也
任俠有聲善為詞曲妻舒氏亦工篇翰而婦翁出

武列事之素不謹翁不能堪取女歸竟至離絕女
在父家一日行池上懷其夫作此詞

醉花間

毛文錫

深相憶莫相憶相憶情難極銀漢是紅牆一帶遙相
隔金盤珠露滴兩岸榆花白風搖玉珮清今夕為
何夕

休相問怕相問相問還添恨春水滿塘生鷓鴣還相
趁昨夜雨霏霏臨明寒一陣偏憶戍樓人久絕邊

庭信

王蝴蝶

温廷筠

秋風凄切傷離行客未歸時塞外草先衰江南馬到
逢美春凋嫩臉揚柳墮新眉搖落使人悲斷腸誰
得知

孫光憲

春欲盡景仍長滿園花正黃粉翅兩悠揚翩翩過短
牆
鮮魃暖牽遊伴飛去立殘芳無語對蕭娘舞衫
沉麝香

女冠子

温廷筠

含嬌含笑宿翠殘紅窈窕鬢如蟬寒玉簪秋水輕紗
捲碧煙
雪霄鵲鏡裏琪封鳳樓前寄語青娥伴早

求仙

韋莊

四月十七正是去年今日別君時忍淚佯低面含羞
半歛眉
不知魂已斷空有夢相隨除却天邊月沒
人知

二

昨夜夜半枕上分明夢見語多時依舊桃花面頻低
柳兼眉
半羞還半喜欲去又依依覺來知是夢不
勝悲

牛嶠

雙飛震舞春晝後園鶯語卷羅幃錦字書封了銀河
鴈過遲 鴛鴦排寶帳豈尅繡連枝不語勻珠淚落
花時

張泌

露花煙草寂寞五雲三島正春深貌減潛銷玉香殘
尚惹襟 竹踈虛檻靜松密醮壇陰何事劉郎去信
沉沉

鹿虔扈

鳳樓琪封惆悵劉郎一去正春深洞裏愁空結人間
信莫尋 竹踈齋殿迥松密醮壇陰倚雲低首望可

知心

毛熙震

脩蛾慢臉不語檀心一點小山粧蟬鬢低含綠羅衣
澹拂黃 悶來深院裏閑步落花傍纖手輕輕整玉
爐香

白雲王職金碧少平噴噴限容易李詢千萬里

春山夜靜愁聞洞天踈磬玉堂虛細霧垂珠珮輕烟
曳翠裾 對花情脉脉望月步徐徐劉阮今何處絕
來書

上行杯

帝莊

芳草灞陵春岸柳煙深蒲樓絃管一曲離聲腸寸斷
今日送君千萬紅鏤玉盤金鏤盞須勸珍重意莫
辭蒲

白馬玉鞭金轡少年郎離別容易迢遞去程千萬里
惆悵異鄉雲水蒲酌一盃勸和淚須愧珍重意莫
辭醉

花草粹編卷之一終

2

